



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

39. Lutoldus I. Baro in Rottelen.

urn:nbn:de:hbz:466:1-11463

LVTOLDVS I.

*Christi
Anno
1191.*

SEV

LVI TOLFVS,

Baro in Röttelen.

Episcopus Basileensis.

XXXIX.

Cognita morte Henrici, postero
mox anno 1191. electus est in Epi-
scopum Lutoldus, & litem statim
habuit cum Vdalrico Eremita Abbate
(quemadmodum referunt eius an-
nales) super institutione Parochi in
Oberkilch. Anno deinde 1200. au-
thore Trithemio in Hirsaugiensi
Chron. cruce & ipse signatus decorâ-
tum & communi Christianis mili-
tibus tesserâ, cum Balduino Flan-
driæ Comite, aliisque Germaniæ
Principibus, contra Saracenos in Pa-
læstinâ profectus est, unde saluus su-
am Basileam reviserit: siquidem an-

O 4

no

Anno
Christi
1207.

no 1207. subscripsit Diplomati Cæsareo Basileæ dato, & anno 1209. Comitibus Herbipolensibus interfuit, ubi per legatos Pontificios Hugonem Ostiensem, & Leonem Sabiensem Episcopos Cardinales dispensatum, ut Otho IV. Imperator affinem suam Beatricem filiam Philippi, quocum novem annis de Imperio certaverat, in coniugem duceret, Romæque Augustalia de manu Pontificis accepturus proficisceretur. In Urbem igitur Augusto mense profectus, in splendidissimo Principum & plerorumque Germaniæ Episcoporum comitatu (quos inter Lutoldus Basileensis) ab Innocentio tertio, Cæsareo diademate redimitus est. Ita inauguratus Otho, obnitente multum & invito Pontifice, aliquot Appuliæ Siciliaque invadit civitates. Quâ re cognita, Innocentius Anathemate ferit

rit Othonem, Imperium ei abrogat, *Anno*
& defert Friderico Siciliae Regi Hen- *Christi*
rici VI. Imperatoris ex Constantia *1191.*
Siciliae Regina filio, Friderici Bar-
borossae Nepoti. Is tempore uten-
dum ratus, non minus quam inex-
pectato Pontificis beneficio, anno
1212. clusis adversarij sui Othonis
machinationibus, in Germaniam
per Rhætorum montes properat:
Constantiam appellit, Basileae exci-
pitur perhonorificè, eique se mox
addicunt Henricus Argentinensis,
Lutoldus Basileensis, & Comes à
Voeringen: qui & cum Moguntiam
usque profecuti sunt. Fridericus
aucto Moguntiae, eorum, qui sibi
faverent, Principum numero, ad Im-
perij Coronam Aguisgranum con-
tendit. Quam rem pluribus tra-
ctat Guilliman. in Henrico Episco-
po 54. Argentin. & fuse in Conrado
53. ex Trithemio aliisque refert,

O 5

quid

Anno
Christi
1213.

quid memorabile acciderit ætate Luitolphi, qui fatis concessit 1213. Is tribus ante obitum annis, civitati Basileensi (forte pro liberaliter factis sibi impensis pro itinere Romano cum Cæsare) concessit institutionem Tribuum, quibus fas esset, singulis annis, unum ex qualibet tribu, in numerum Nobilium & Senatorum deputare. Vrstif. lib. 2. c. 6. in fine.

VVALDRICVS.

Basileensis Episcopus.

X L.

VValdricus à Röttelen, ita nominat ipsum Vrstisius, malis & violentis artibus pedum Basileense attrectavit: qua de causa Romæ 1215. in Concil. Lateranensi ab ipsis Canonicis Basileensibus accusatus, non statim ac iussus est, ab Episcopi nomine